



## Terenga 6: Hōtaka 31 - He kīanga whakawhānui i tētehi rārangi

### He Mihi

Mā te reo Māori e ū ai te tuakiri Māori. Heoi, he reo tēnei mō te hunga e ngākaunui ana ki te hāpai i a ia. Ehara te reo Māori i te tangata kaikiri. E wātea ana ia kia morimorihia e te tini, e te mano, ahakoa ko wai, ahakoa nō whea.

### Hei Mahi Whakarongo

Ka nui taku aroha ki te kuia o te reo i hūpeke ki tua o te ārai i tēnei tau, nāna ngā tauria o te reo i whāngai ki te kīwaha. Ka rongo ana au i tana reo, ka hoki ngā mahara ki ōku kuia kua ngaro noa atu i te tirohanga kanohi. Āta whakarongo ki tēnei momo reo, me uaua ka rangona i ō tātou pae o te motu. Anei ngā pātai hei whakautu mā koutou:

- 1) He aha tā tana whaea whakahau?
- 2) He aha te tikanga o te 'ringa hora'?
- 3) He aha ana kupu whakamihī i a Ngāti Kahungunu?


Anei te roanga ake o ngā whakamārama a Materoa Haenga. Haere atu rā, Kuikui Kīwaha, hei hoa kōrero mō Nunui mā, mō Roroa mā i te pō.

### He Whakamārama

Anei ētehi kīanga hei whakaoti i tētehi rārangi kua oti kē te whakatakoto, engari kāore e whāiti ana ki ngā mea i whakahuatia ai i te rārangi.

- aha atu, aha atu (*and the like*)
- aha atu rānei (*or whatever else*)
- wai ake, wai ake (*and whoever else*)
- a wai ake rānei (*or whoever else*)
- ki hea, ki hea (*and wherever else*)
- ki hea rānei (*or wherever else*)

### He Mahi Ī-papa



Whakamāoritia te rerenga kōrero kei runga i te ĩpapa:

---

---

### Hei Mahi

Whakamāoritia ēnei rerenga kōrero:

1. There is milk, bread, butter, etc in the cupboard.
2. We're off to America, Peru and some other places.
3. Collect some sea eggs, some pāua and whatever else.
4. Mere, Pita and whoever else can travel with me.

### Whakautu:

Mahi ĩpapa: *He waka, he poti, he waka-reti, he aha atu rānei, i runga i te wai.*

Hei Mahi:

1. He miraka, he paraoa, he pata, he aha atu, he aha atu kei roto i te kāpata.
2. Kua haere mātou ki Amerika, ki Peru, ki hea, ki hea.
3. Kohia ētehi kina, ētehi pāua, aha atu rānei.
4. Mā runga i tōku mātou ko Mere, ko Pita, ko wai ake, haere ai.